



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

17. Tria, qu[a]e meliús fieri nequeunt.

urn:nbn:de:hbz:466:1-12221

SYMBOLUM 15.

Tria pessima.

*Anima peccatoris cum peccato perseverans, diabolus, inferus.**S. Aug. de salut. docum. cap. 48.***S**unt tria felici Triadis procul arce reposita,
Haud reor in terris deteriora dari.

Mente quid est pejus, proprio quæ devia motu,

Lethiferi telo criminis icta jacet?

Quid magis horrendum, quid dæmone tetrius usquam;

Fingite tartareis asperiora rogis.

SYMBOLUM 16.

Tria optima.

*Anima Sancti in bonis operibus perseverans, Angeli qui eam suscipiunt, Paradisus in quem dicitur. Aug. l. cit.***A**ugele qui constans in amore Tri-unius hæres
Numinis, o quanta nobilitate micas!

Mens humana caput tollet super omnia, fiet

Peccati, Triados, libera labe, capax.

Quot rutilant tua Trina Monas capitolia gemmis;

Quot tua mellifluis affluit Aula bonis?

SYMBOLUM 17.

Tria quæ melius fieri nequeunt

En trias excellens operum quibus æqua creari,

Nec majora queunt, nec meliora dari.

(a) **U**nio divini sumpto cum corpore Verbi,

Magna Parenz, Sancto Pneumate foeta, Dei.

Quæ

Quæ desiderijs finem dabit unica nostris,
Fine carens Trini Visio clara Dei.

N. His tribus, quia infinitam quandam præferunt dignitatem, ut docet Ang. D. S. Tho. meliora dari non possunt; Humanitate Filij, Dignitate Matris, Visione beatificâ. (a) Incarnatio Verbi, est miraculum miraculorum ait S. Tho. q. 6. de potentia art. 2.

S Y M B O L U M 18:

Trinitas nos redimens

Tria in Verbo Incarnato, Verbum, Anima, Caro.

SUpposito Veneranda Trias spectatur in uno,
In Verbo, nostri quod fit (a) amore, Caro.
Sumpta Caro, Deitas, est (b) Mens simul indita carni,
(c) Compositum, triplex ousia, tale facit.
Lucifer, Eva, Adam, damnans trias, Altera Salvans;
Personis Deitas en Tribus Una Beans.

(a) I. Joan. (b) Quemodo in Christo ipso Incarnationis momento fuerit usus mentis rationis; & Actus meritorius oblationis sui, continuatus usque ad mortem, Vide apud DD. & D. Tho. 3. p. q. 34. (c) Quid jam in Unitate Essentia tres esse miramur Personas? plures jam ex integro in una Personâ Naturas mirare. Gilb. serm. 2. in eanticâ.

S Y M B O L U M 19:

Triplex Christi Actiones,
Divinæ, Humanæ, The-antricæ.

ACtio Divina est Divino Numine manans,
(a) Qualis naturæ quæ superabat opus.
Nascitur & vagit, lacrymatur, verbera suffert,
Esurit atque sitit, ceu homo purus, edit.
Quidquid Homo simul atque Deus, vel passus & egit,
(b) In Triadis summum cessit id omne Decus.